

Ո Ր Ո Շ ՈՒ Մ


Վարչական իրավախախտման գործով գանգատն առանց
բավարարման, իսկ որոշումն անփոփոխ թողնելու մասին

03.11.2018թ.

ք.Երևան

Ճանապարհային ոստիկանության պետ, ոստիկանության գնդապետ Եզոր
Կարապետյանս, վերանայելով Վարդան Վարդանյանի դիմումի շուրջ ստեղծված նյութերը,

Պ Ա Ր Զ Ե Ց Ի



2018թ. հոկտեմբերի 24-ին Երևան քաղաքի Սեբաստիա փ. 10շ. 4բն. բնակիչ
Վ.Վարդանյանը դիմում է հասցեագրել այն մասին, որ ստացել է ԱԴ թիվ 682599 որոշումը, ինչի
հետ համաձայն չէ, քանի որ ավտոմոբիլը վարել է անվտանգության գոտիով ամրակապված
վիճակում:

Դիմումի ուսումնասիրությամբ պարզվել է, որ 23.09.2018թ., ժամը 11.50-ի սահմաններում,
Երևան քաղաքի Կոմիտասի պողոտայում քաղ.Վ.Վարդանյանի կողմից վարած «Վագ-21214»
մակնիշի 40 CC 008 հաշվառման համարանիշի ավտոմոբիլը կանգնեցվել է ճանապարհային
ոստիկանության ճՊԾ 1-ին սպայական գումարտակի 6-րդ սպայական դասակի տեսուչներ,
ոստիկանության կապիտան Վ.Վիրաբյանի և ոստիկանության ավագ լեյտենանտ Տ.Գևորգյանի
կողմից ճԵԱԱՄՕ-ի խախտման համար, այն է՝ վարորդն ավտոմոբիլը վարել է անվտանգության
գոտին չամրակապած վիճակում: Վարորդի նկատմամբ կազմվել է վարչական
իրավախախտման վերաբերյալ արձանագրություն և, համաձայն ՀՀ ՎԻՎ օրենսգրքի 123.3
հոդվածի, կայացվել է ԱԴ թիվ 682599 որոշումը՝ 5000 դրամ տուգանելու մասին:

Ըստ ծառայողների գրավոր բացատրությունների՝ Կոմիտասի պողոտայում նկատել են, որ
իրենց առջևից երթևեկող «Վագ-21214» մակնիշի 40 CC 008 հաշվառման համարանիշի
ավտոմոբիլի վարորդը երթևեկում է անվտանգության գոտիով չամրակապված վիճակում:
Վ.Վիրաբյանը և Տ.Գևորգյանը հայտնել են, որ Վ.Վարդանյանի կողմից թույլ տված
իրավախախտումն եղել է իրենց տեսադաշտում և ակնհայտ, ինչի համար սահմանված կարգով
կանգնեցրել են ավտոմոբիլը: Տեսուչ Վ.Վիրաբյանը մոտեցել է վարորդին, ներկայացել,
պարզաբանել իրավախախտման բնույթը և պահանջել է փաստաթղթերը: Համապատասխան
արձանագրություն կազմելուց հետո, վարորդը ծանոթացել է արձանագրության
բովանդակությանը, նշել իր անհամաձայնությունը և ստանալով միայն փաստաթղթերը՝
հեռացել:

Դիմումում նշված հանգամանքների շուրջ պարզաբանումներ տալու նպատակով քաղ.
Վ.Վարդանյանը հրավիրվել է ճՈ, որտեղ իր գրավոր բացատրությամբ պնդել է դիմումում
նշված հանգամանքները, խնդրել է դիմումը քննարկել, իսկ արդյունքների մասին հայտնել
գրավոր:

Համաձայն «ճանապարհային երթևեկության անվտանգության ապահովման մասին» ՀՀ
օրենքի 17-րդ հոդվածի՝ ճանապարհային ոստիկանության ծառայողը պարտավոր է
տրանսպորտային միջոցը կանգնեցնել, եթե ակնհայտ կամ տեխնիկական միջոցների
օգտագործմամբ երևում է, որ վարորդը խախտել է ճանապարհային երթևեկության կանոնների
պահանջները: Նույն հոդվածի 8-րդ մասի համաձայն՝ երթևեկության սահմանված արագության
գերազանցման և տրանսպորտային միջոցների ապակիների լուսաթափանցելիության
սահմանված չափի խախտումների համար պատասխանատվություն է առաջացնում, երբ
տվյալ խախտումը փաստարկված է համապատասխան տեխնիկական միջոցների կիրառմամբ:

Այսպիսով, քաղ.Վ.Վարդանյանի արարքում առկա է Վարչական իրավախախտումների
վերաբերյալ ՀՀ օրենսգրքի 123.3 հոդվածով նախատեսված իրավախախտման զանցակազմը,
ուստի, ելնելով վերոգրյալից և ղեկավարվելով Վարչական իրավախախտումների վերաբերյալ
ՀՀ օրենսգրքի 293-րդ հոդվածի 1-ին մասի 1-ին կետով՝

3-14-12

1. Վարդան Վարդանյանի դիմումը թողնել առանց բավարարման, իսկ ճանապարհային ոստիկանության ՃՊԾ 1-ին սպայական գումարտակի 6-րդ սպայական դասակի տեսուչ, ոստիկանության կապիտան Վ.Վիրաբյանի կազմած վարչական իրավախախտման վերաբերյալ արձանագրության հիման վրա 23.09.2018թ. կայացված ԱԴ թիվ 682599 որոշումը՝ Վարդան Վարդանյանին հինգ հազար դրամ տուգանելու մասին՝ անփոփոխ:
2. Սույն որոշման օրինակներն ուղարկել ճանապարհային ոստիկանության ՎԳ բաժանմունք և դիմումատուին:
3. Սույն որոշումը կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:



Ե. Կարամետյան

Կատարող՝ Զ.Մանասարյան
011-567944